

Transkription von Stadtbucheintrag KOL 1391a

Ort, Datierung: Kolberg, 1391-??-??

Signatur: Landesarchiv Greifswald, Rep. 38, Hs Kolberg 1, 68r

Inhalt: Gertrud Langhen: Nachlassvereinbarung

Wý bekennen dat gertrud langesche heft ghe dan ene erfshýctinghe ereme sone / detmer langhen . alz
. van sones vader erue vn(de) van deme ghude . dat hermen / kordelyst en ghe lenet heft . tu deme
ersten . so ghýft se em . lx . m(a)r(k) prutz . / de he in deme lande tũ průtzen schal helpen manen . van
den lůden dar se stan / It(em) so ghýft se em . lxx . m(a)r(k) vinkenoghen pen(n)ghe . de see em in
deme lande / tu prutzzen bereden schal . It(em) so schal se em antwurden . enen bref de sprek vppe / .
lxx . m(a)r(k) vinken(oghen) . de de schuldých was henning van deme bone wat he dar van / manen
kan . dat schal sye wesen . It(em) schal hebben he alle harns . dat hermen / kordelist deme god
gnedých sý ghe hort heft . dat sy kleýne edder grot . also he / dat ghe hat heft tu syneme lýue It(em)
schal he hebben . dat klene suluẽ gordel . / vn(de) de boreden . de em alrede syn ghe antwardet .
vn(de) den ghulden bůch den hermen / drůch an syneme paternoster . vn(de) de kýste de hermen ghe
hort hadde . vn(de) wes / in der kýsten is van breuen edder van anderen dinghen . dat schal he der /
můder dar vt antwarden . It(em) so schal he hebben de kledere de hermen tũ / sýneme lýue ghe hort
hadden . se sýn lýnen edder vřllen . alz he de ghe hat heft / hir mede so schal de můder tu syk nemen
alle grote schult vn(de) zunderghen / desse schult . xvj . m(a)r(k) hir tu Colberghe . vn(de) wat he
deme apothekere schul=/dých is . vn(de) deme sscrodere tũ thorne . hir mede so hebben se syk an
vru(n)tscop / ghe scheden . vn(de) wen detmer an dessen stucken entrýchtet is so schal he / syne
můder ere daghe nerghen vmme manen / ¹

¹ gesamter Text durchgestrichen